

## 跨年诗词

1. 患难思年改，龙钟惜岁徂。——唐庚《除夕》

2. 事关休戚已成空，万里相思一夜中。愁到晓鸡声绝后，又将憔悴见春风。  
。——来鹄《除夜》

3. 岁阴穷暮纪，献节启新芳。科尽今宵促，年开明日长。冰消出镜水，梅散入风香。对此欢终宴，倾壶待曙光。——李世民《除夜》

4. 乡心新岁切，天畔独潸然。老至居人下，春归在客先。岭猿同旦暮，江柳共风烟。已似长沙傅，从今又几年。——刘长卿《新年作》

5. 寒随一夜去，春逐五更来。——王湮《除夜》

6. 迈街相约看花市，却倚骑楼似画廊；束立盆栽成列队，草株木本斗芬芳。  
。通宵灯火人如织，一派歌声喜欲狂，正是今年风景美，千红万紫报春光。  
。——林伯渠《春节看花市》

7. 休叹流光去，看看春欲回。椒盘卷红烛，柏酒溢金杯。残腊余更尽，新年晓角催。  
。争先何物早，唯有后园梅。——朱淑贞《除夜》

8. 晰晰燎火光，氲氲腊酒香。嗤嗤童稚戏，迢迢岁夜长。堂上书帐前，长幼合成行。  
。以我年最长，次第来称觞。——白居易《三年除夜》

9.  
岁序已云殚，春心不自安。聊开柏叶酒，试奠五辛盘。金薄图神燕，朱泥却鬼丸。梅花应可折，倩为雪中看。——庚肩吾《岁尽应令诗》
10.  
不求见面惟通谒，名纸朝来满敝庐。我亦随人投数纸，世情嫌简不嫌虚。——文征明《拜年》
11.  
天地风霜尽，乾坤气象和；历添新岁月，春满旧山河。梅柳芳容徧，松篁老态多；屠苏成醉饮，欢笑白云窝。——叶颙《己酉新正》
- 12.玉关西望肠堪断，况复明朝是岁除。——岑参《玉关寄长安李主簿》
- 13.四十明朝过，飞腾暮景斜。——杜甫《杜位宅守岁》
- 14.一年将尽夜，万里未归人。——戴叔伦《除夜宿石头驿》
- 15.寒辞去冬雪，暖带入春风。——唐太宗《守岁》
- 16.乱山残雪夜，孤烛异乡人。——崔涂《巴山道中除夜有作》
17.  
千家笑语漏迟迟，忧患潜从物外知。悄立市桥人不识，一星如月看多时。——黄景仁《癸巳除夕偶成》
18.  
扫除茅舍涤尘嚣，一柱清香拜九霄。万物迎春送残腊，一年结局在今霄。生盆火烈轰鸣竹，守岁筵开听颂椒。野客预知农事好，三冬瑞雪未全消。——戴复古《除夜》
19.  
一年滴尽莲花漏，碧井屠苏沈冻酒。晓寒料峭尚欺人，春态苗条先到柳。佳人重劝千长寿，柏叶椒花芬翠袖。醉乡深处少相知，只与东君偏故

旧。——毛滂《元日（玉楼春）》

20.

爆竹声中一岁除，春风送暖入屠苏。千门万户瞳瞳日，总把新桃换旧符。  
。——王安石《元日》

21.

欢多情未极，赏至莫停杯。酒中喜桃子，粽里觅杨梅。帘开风入帐，烛  
尽炭成灰。勿疑鬢钗重，为待晓光催。——徐君倩《共内人夜坐守岁》

22.

细草穿纱雪半消，吴宫烟冷水迢迢。梅花竹里无人见，一夜吹香过石桥  
。——姜夔《除夜自石湖归苕溪》

23.

旅馆谁相问？寒灯独可亲。一年将尽夜，万里未归人。寥落悲前事，支  
离笑此身。愁颜与衰鬢，明日又逢春。——戴叔伦《除夜宿石头驿》

24.

萧疏白发不盈颠，守岁围炉竟废眠。剪烛催干消夜酒，倾囊分遍买了春  
钱。听烧爆竹童心在，看换桃符老兴偏。鼓角梅花添一部，五更欢笑拜  
新年。——孔尚任《甲午元旦》

25.

除夕更阑人不睡，厌襖钝滞迫新岁；小儿呼叫走长街，云有痴呆召人卖  
。——范成大《卖痴呆词》

26.

天上风云庆会时，庙谩争遗草茅知。邻墙旋打娱宾酒，稚子齐歌乐岁诗  
。老去又逢新岁月，春来更有好花枝。晚风何处江楼笛，吹到东溟月上  
时。——陈献章《元旦试笔》

27.

乾坤空落落，岁月去堂堂；末路惊风雨，穷边饱雪霜。命随年欲尽，身

与世俱忘；无复屠苏梦，挑灯夜未央。——文天祥《除夜》

28.一宵犹几刻，两岁欲平分。——曹松《除夜》

29.冬尽今宵促，年开明日长。——唐太宗《除夜》

30.

改岁钟馗在，依然旧绿襦。老庖供餽飫，跣婢暖屠苏。载糗送穷鬼，扶箕迎紫姑。儿童欺老聩，明烛聚呼卢。——陆游《新岁》

31.

爆竹声中岁又除。顿回和气满寰区。春风解绿江南树，不与人间染白须。残蜡烛，旧桃符，宁辞末后饮屠苏。归欤幸有园林胜，次第花开可自娱。——赵师侠《鹧鸪天·丁巳除夕》

32.

残腊即又尽，东风应渐闻。一宵犹几许，两岁欲平分。燎暗倾时斗，春通绽处芬。明朝遥捧酒，先合祝尧君。——曹松《除夜》

33.万里经年别，孤灯此夜情。——白居易《除夜寄弟妹》

本文链接：<https://duanjuziku.com/duanjuzi/tssi0ad7h9.html>